

『聖德太子傳曆』上 敏達十三年条

十三年〈甲辰〉秋九月。彌勒石像一軀。〈今在古京之元興寺東金堂。〉佛像一軀百濟將來。蘇我大臣請其佛像。竝於播磨國覓得狛僧**惠便**之還俗。乃以爲師。更度三尼。營佛殿於家東。安置彌勒石像。屈請三尼。大會設齋。亦佛殿構立石川宅。每到敬禮。此時。司馬達等得佛舍利於齋會上。由是蘇我大臣竝達等深信佛法。修行不懈。於是。太子時々微行大臣之寺。散華供養。密命大臣曰。吾昔修行。歷數十身。萬分之一未濟救。君之始貴。功德難測。譬如虛空不可思量。吾雖幼稚。願以紹隆。與君爲緣。爲善知識。傳如來教。建正幢蓋。大臣謹奉不敢墮媛。